



Møteprotokoll for Eldrerådet

Møtedato: 27.02.2019
Møtestad: Heradsstyresalen
Møtetid: kl. 13.30 – kl. 16.00

Frammøtte medlemmer	Parti	Rolle
Aslaug Gjerstad		Medlem
Berge Litland		Medlem
Magne Reigstad		Medlem
Åge Clausen		Utvalsleiar

Forfall meldt frå medlem	Parti	Rolle
Atle Eide		Medlem
Audun Mosevoll	KRF	Medlem
Ove Kleiveland		Nestleiar

Frammøtte varamedlemmer	Parti	Erstatter medlem
Esther Halland		Ove Kleiveland
Kjell Mosevoll		Atle Eide

Følgjande frå administrasjonen møtte: Utvalssekretæren og sektorleiar for helse, omsorg og sosial.

Sakliste

Saknr	Tittel
001/19	Godkjenning av innkalling og sakliste
002/19	Godkjenning av møtebok
004/19	Arbeidsgruppe: Leve hele livet

Presentasjon om tryggleikssjukepleie

Tryggleikssjukepleiar i Bergen kommune skal gje ei orientering om kva tryggleikssjukepleie går ut på, og kva for erfaringar Bergen kommune har gjort seg på dette området.

Sak til drøfting: Tal sjukeheimsplassar i kommunen og planleggingsarbeidet av omsorg+

001/19: Godkjenning av innkalling og sakliste

Rådmannen sitt framlegg:

Innkalling og sakliste vert godkjent.

27.02.2019 ELDRERÅDET

Det var ikkje merknader til innkalling og sakliste.

ELD - 001/19 VEDTAK:

Innkalling og sakliste vert godkjent.

002/19: Godkjenning av møtebok

Rådmannen sitt framlegg:

Møtebok frå 22.11.2018 vert godkjend.

27.02.2019 ELDRERÅDET

Det var ikkje merknader til utsend møteprotokoll frå møtet 22.11.2018.

ELD - 002/19 VEDTAK:

Møtebok frå 22.11.2018 vert godkjend.

004/19: Arbeidsgruppe: Leve hele livet

Rådmannen sitt framlegg:

Rådmannen gjer ikkje framlegg.

27.02.2019 ELDRERÅDET

Eldrerådsleiar Åge Clausen, gjorde slikt framlegg:

"Saka vert utsett til neste møte 24. april. Til dette møtet skal alle ha satt seg inn i innhaldet til stortingsmeldinga «Leve hele livet» (Det kan vere hensiktsmessig å fokusere på samandraget)."

AVRØYSTING

Eldrerådsleiar sitt framlegg vart samrøystes vedteke.

ELD - 004/19 VEDTAK:

"Saka vert utsett til neste møte 24. april. Til dette møtet skal alle ha satt seg inn i innhaldet til stortingsmeldinga «Leve hele livet» (Det kan vere hensiktsmessig å fokusere på samandraget)."

Andre saker

Orientering frå spesialsjukepleiar for førebyggjande heimebesøk i Bergen kommune

Spesialsjukepleiar i Bergen kommune for førebyggjande heimebesøk, Gunn Johannessen, gav ei orientering om kva denne tenesta går ut på, og svara på spørsmål frå eldrerådet.

Bakgrunnen for oppretting av tenesta i 2003, i Laksevåg bydel, var at mange eldre kjenner seg unødvendig utrygge. Tenesta er ikkje lovpålagt i Noreg, men fleire kommunar tilbyr den. I Bergen kommune er det i dag to spesialsjukepleiarar som dekkjer denne tenesta.

I Bergen kommune får alle som er fylt 80 år, bur heime og ikkje tek i mot anna hjelp frå kommunen tilbod om heimebesøk. Hensikta med tenesta er at den skal vere helsefremmande og helsebevarande. For å nå ut med informasjon om tenesta har det vore vellykka å samarbeide med lokale medier og frivillegsentralar.

Besøka utgjer eit førebyggjande tiltak, som skal gjere fleire eldre i stand til å klare seg sjølv lenger, ved at dei kan få tilrettelagt hjelp og tiltak tidleg, og slik sett planlegge for alderdommen sin. Omkring seksti prosent av dei som får tilbodet om heimebesøk takkar ja til dette i Bergen kommune. I forhold til landsgjennomsnittet er dette eit relativt høgt tal. Ein journal vert oppretta for dei som tek i mot tilbodet. Dette gjeld omkring 1000 personar i året. Spesialsjukepleiaren vil fungere som ein kontaktperson for brukaren så lenge den eldre ikkje i stor grad har vorte mottakar av andre helsetenester.

Under besøket ønskjer spesialsjukepleiaren å informere om kva kommunen har av ressursar og tilbod som kan bidra til at den eldre kan bu heime så lenge som mogleg. Den som får besøk skal vere med på å bestemme tema for samtalen, og vanlege samtaleemne er korleis kvardagen til den eldre er, kva for hjelpemiddel kommunen kan tilby, interesser, fritidsaktivitetar, kosthald og mosjon, familierelasjonar og anna sosialt nettverk. I tillegg skal spesialsjukepleiaren danne seg eit bilete av butilhøva til den eldre. Hensikta med samtalen er at sjukepleiaren skal kunne danne seg eit heilskapleg bilete av den eldre sin situasjon, og på bakgrunn av dette kome med råd og informasjon om korleis den einskilde kan innrette seg for å ta vare på helsa og klare seg sjølv.

Det vart ikkje gjort vedtak i samband med orienteringa.

Orientering frå sektorleiar i helse-, omsorg og sosial om sjukeheims plassar i kommunen og planlegging av framtidige omsorgsbustader

Sjukeheims plassar på Osterøytunet: Sektorleiaren orienterte om status på Osterøytunet etter at ei avdeling vart lagt ned i januar. Nokre pasientar og tilsette har vorte omplassert, og sjukeheimen har framleis nok plassar. Plassane som no ikkje er i bruk, blir ståande slik inntil vidare. Dette for å kunne opne opp igjen dersom behovet tilseier det.

Planlegging av omsorgsbustader, inkludert heildøgns omsorg i «omsorg+»:

Sektorleiar orienterte om alternativ for planlegginga av ulike typar omsorgsbustader i kommunen, på bakgrunn av folketalsutviklinga. Denne planlegginga er fortsatt under arbeid, og det vil verte lagt fram sak om temaet til eldrerådet i neste møte.

Det vart ikkje gjort vedtak i samband med orienteringa.

Til å skrive under møteprotokollen saman med utvalsleiar vart Berge Litland og Magne Reigstad valde.

Lonevåg, 01.03.2019

Marie Koksvik Thorsen
utvalssekretær

Åge Clausen
utvalsleiar

Berge Litland

Magne Reigstad